

Keletso le Tlhahlobo ya HIV (HCT) ke eng?

HCT e emetse 'HIV Counseling and Testing' e bolelang Keletso le Tlhahlobo ya HIV.

Hobaneng ho hlokeha hore ke fumane tlhahlobo?

Ho a hlokeha ho hlahloba hore o jare boikarabelo ba bophelo boo e leng ba hao. Ha o se o hlahlobile mme ho fumanehile hore ha o na tshwaetso, o lokela ho netefatsa hore boemo ba hao bo dula bo le jwalo mme o hloka tshwaetso. Ha ho fumanehile hore o na le tshwaetso, o lokela ho etsa dintho ka mokgwa o tla o thusa ho diehisa tswelopele ya bohloko ba hao, mohlala, o phele hantle, o je hantle, o ikwetlise kgafetsa, jwalo jwalo.

Nka kgona ho fumana Keletso le Tlhahlobo ya HIV (HCT) hokae?

Dinqalo tsohle tsa setjhaba tsa bophelo bo botle di fana ka tshebeletso ena. Baeletsi ba rupetsweng hantle ba tla o fa keletso pele o hlahlojwa mme yona e tla latelwa ke tlhahlobo le keletso e tlang ka morao ho tlhahlobo.

Ha ho fumanehile hore ke na le tshwaetso ke tla fumana eng?

Ha ho fumanehile hore o na le tshwaetso ya HIV, ho na le ditsha tse tjhaeletsweng monwana tsa ART moo bakudi ba tla boela ba hlahlojwa ho feta, ho bona hore ba tshwanela ho kena lenaneong la ART kapa tjhe.

Ha o sa tshwanelwe ke ho kena setsheng sa ART, o tla: behwa leihlo le ntjhotjho kgafetsa mme o fuwe tshehetso ya maikutlo, ho fihlela o ba boemong ba ho kena lenaneong lena.

Mooki wa tliniking o tla o eletsa ka setsha se haufi sa ART seo o ka kgonang ho se etela.